

Naalakkersuisunut apeqquut: Nukissiuuteqarnerup iluani akit qanoq ittut siunissami pilersinneqassanersut Naalakkersuisut isumaliutigisaat suuppat?

(ATASSUT-ip Inatsisartuni ilaasortaaitai: Finn Karlsen, Siverth K. Heilmann, Knud Kristiansen)

Akissuteqaat

(Ineqarnermut, Attaveqarnermut Angallanermullu Naalakkersuisoq)

ATASSUT-ip Inatsisartuni ilaasortaaitai: Finn Karlsen, Siverth K. Heilmann, Knud Kristiansen innaallagissamut, imermut kiassarnermullu akit ilusissaasa nutaat suliarineqarnerinut paasitinneqarnissartik kissaatigaat.

Naalakkersuisut sinnerlugit innaallagissamik, imermik kiassarnermillu pilersuineq inoqutigiinnut ataasiakkaanut taamatullu Kalaallit Nunaanni inuusutissarsiormut pingaaruteqartorujussuummata ATASSUT-ip ilaasortaaitaanut matuma siuliani taaneqartunut isumaqataanerput nalunaarutigissavara.

Akit ilusissaasa nutaat suliarineqarnerat aallartereerpoq. Taamaattorli akit ilusissaasa nutaat suliarineqarnerat Akileraartarnermut Atugarissaarnermullu Isumalioqatigiissitap sulineranut ingiaqatigiisinneqartariaqarpoq. Tamatumunnga pissutaavoq Akileraartarnermut Atugarissaarnermullu Isumalioqatigiissitaq ilaatigut nukissiuutinut akitsuusiinissamut periarfissanik qulaajaasussaammata, tamannalu innaallagissamut, imermut kiassarnermullu akit ilusissaannut nutaanut sunniuteqartussaavoq. Tamaattumik akit ilusissaannik nutaamik atuutsitsilernissamut Akileraartarnermut Atugarissaarnermullu Isumalioqatigiissitaq qanoq inassuteqaateqassanersoq apeqqutaasussaavoq.

Tamatuma nassatarisaanik akit maanna ilusiligaanerat, innaallagissamut imermullu akit qaffasinnerpaaffissaannik appasinnerpaaffissaannillu atuutsitsiviusoq akit ilusissaasa nutaat naammassinissaasa tungaanut ingerlaannassaaq. Kisiannili 2003-mi akit assigiinnerinut naleqqiullugu akit qaffasinnerpaaffissaat ullumikkut atorneqartutut ukiumut 10 procentinik ingerlaannartumik qaffanneqartassanngilaq. Taamaattumik Nukissiorfiit sumiiffinni ataasiakkaani ataasiakkaanut aningaasartuutaasa allannguuteqarnerisa malitsigisaanik taamaallaat iluarsisoqartassaaq.

Akit ilusaanni ullumikkut innaallagissamut, imermut kiassarnermullu akit ilisimasagut atuisunut atuutsinneqassapput. Tamatuma saniatigut nammineerluni innaallagissamik kiassarnermillu tunisassiamut, Nukissiorfiit aqquersuutaasigut tuniniarneqartunut akinut maleruagassanik akit ilusaat nutaatut aamma imaqaassapput. Akit ilusissaannik naleqqunnerpaamik qulakkeeriniarluni ilaatigut angerlarsimaffinni, inuusutissarsiutini kommuninilu akit ilusissaasa nutaat atuutilernissaasa tungaannut aningaasaqarnikkut sunniutissat misissoqqissaarneqassapput.

Matumuunakkut Naalakkersuisut sinnerlugit neriutigaara, Inatsisartuni ilaasortat matuma siuliani taaneqartut innaallagissamut, imermut kiassarnermullu akit paasisinnaanerulersimassagaat.